



Pou Piblikasyon Imedya: 08/06/2023

GOUVÈNÈ KATHY HOCHUL

GOUVÈNÈ HOCHUL DEPLWAYE EKIP GAD FORÈ POU EDE NAN ENTÈVANSYON KONT DIFE FORÈ KANADYEN AN

Ekip sèt gad forè te dirije vè Kebèk; Patwon ekip gad la te deplowaye nan Nova Scotia wikenn pase a

Lafimen ki soti nan dechènman dife forè yo kontinye ap enkyete Konseye Sante sou kalite lè yo

Gouvènè Kathy Hochul te anonse jodi a ke y ap deplowaye yon ekip nan Gad Forè Depatman Prezèvasyon Anviwònmantal la (Department of Environmental Conservation, DEC) pou ede nan efò pou restrenn dife forè k ap fè raj nan lès Kanada yo. Ekip New York la ap rejwenn ponpye ki soti nan New Hampshire ak Maine nan Kebek. Plizyè santèn dife nan Kebek te deklanche pandan plizyè jou konsèy sante sou kalite lè a nan Eta New York.

"Pandan n ap kontinye kontwole brim ke lafimen ki soti nan dife forè Kanadyen yo lakoz, nou gen chans pou gen Gad Forè ki fòme epi ki pare pou antre nan travay di k ap tann nou an," **Gouvènè Hochul te deklare.** "Nouyòkè yo toujou pare pou ede sila yo ki nan bezwen, epi mwen remèsyé ponpye vanyan, kouraje nou yo ke efò yo pral enpòtan pou metrize dife forè sa yo."

Eta New York souvan deplowaye ponpye ki byen fòme pou ede konbat dife nan kad akò pou lit kont ensandi ant eta ak entènasyonal yo. Semèn pase a, yon Gad Forè te deplowaye pou sèvi kòm patwo ekip la nan yon ekip ant eta nan kad Akò sou Pwoteksyon kont Ensanti Forè nan Nòdès ki te konpoze ak ponpye ki soti nan Connecticut, New Hampshire, ak Maine pou ede nan efò yo nan Nova Scotia.

Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare, "Gad Forè DEC yo se ponpye klas mondal epi ki pote yon richès konesans pou ede patnè nou yo nan Kanada. Souvan, yo vwayaje nan Iwès, kote nou sèlman wè efè dife yo nan televizyon. Fwa sa, nou te santi efè yo pandan plizyè jou. Travay yo ap enpòtan pou ede dirije efò lit kont ensandi yo epi nou pa ka tann pou yo tounen nan tout sekirite."

De misyon sa yo se premye fwa Gad Forè Eta New York State Forest yo deplwaye nan Kanada depi dife forè nan Kebèk yo an 2005. An 1979, New York te voye premye ekip ponpye li a pou al ede eta zòn lwès yo konbat gwo dife forè yo. An mwayèn, yo konn voye youn oswa de ekip, jan sa nesesè, pou ede metrize dife forè yo prèske chak ane. Anplis de ede frennen ensandi nan forè yo epi minimize domaj yo, ekip sa yo gen bon jan eksperyans ki kapab itilize pou lite kont ensandi nan forè yo, epi jere ensidan ki gen tout kalite risk nan new York.

Yon Konsèy konsiltatif sante sou kalite lè pou rejjon Long Island, Metwo Vil New York, Lower Hudson Valley, Upper Hudson Valley, Eastern Lake Ontario, New York Santral ak Lwès New York rete anvígè jiska omwen fen jounen an.

Yè, [Gouvènè Hochul te anonse](#) y ap mete apeprè yon milyon mask stil N95 bon kalite disponib pou Nouyòkè yo pou ede abòde pwoblèm kalite lè yo. Dapre dènye previzyon ak avi yo, yo prevwa endis sou kalite lè a p ap bon pou lasante pou pifò eta a, andeyò North Country, jiska jodi a. [Gouvènè Hochul te rekòmande](#) pou yo sispann aktivite lekòl anplennè yo pandan kalite lè a rete yon enkyetid. Gouvènè a te ankouraje Nouyòkè yo tou pou ranvwaye aktivite deyò yo nan rejjon ki afekte yo jiskaske kondisyon yo amelyore.

Ekspozisyon nan kondisyon kalite lè aktyèl la ka gen efè negatif sou sante ki enkli:

- Iritasyon zye, nen oswa gòj
- Tous
- Ekstène
- Nen k ap koule
- Souf kout

Kondisyon sa yo espesyalman danjere pou Nouyòkè ki vilnerab yo ki gen kondisyon medikal tankou opresyon ak/oswa maladi kè.

Depatman Prezèvasyon Anviwònmantal la (DEC) ak Depatman Sante a (DOH) soti avi sante sou kalite lè a lè meteològ DEC yo fè previzyon sou nivo polisyon, swa ozòn oswa ti patikil piti, yo prevwa ki ta dwe depase yon Endis Kalite Lè (Air Quality Index, AQI) ki gen valè 100. Avi jodi a fèt akoz patikil piti ke van an pote ki soti nan dife forè yo. AQI a te kreye kòm yon mwayen ki fasil pou asosye nivo polisyon diferan sou yon echèl, avèk yon valè AQI ki pi wo sa endike yon pi gwo enkyetid pou sante.

Ou ka wè dènye previzyon AQI a [isit la](#).

Ti konsèy pou Nouyòkè yo rete an sekirite

- Limite tan deyò yo pou diminye ekspozisyon a lafimen
- Kenbe fenèt kay ak imèb yo fèmen
- Evite aktivite ki fatigan
 - Yo ta dwe limite aktivite deyò yo pou tout gwooup oswa minimize yo lè sa posib, akoz moun ki gen opresyon, alèji oswa lòt kondisyon yo ka afekte.

- Evite ekspozisyon ki pwolonje
 - Moun ki gen vilnerabilite sante yo, tankou maladi kadyovaskilè oswa maladi nan poumon, menm jan ak moun ki ansent yo
- Pou sila yo ki dwe deplase deyò pou peryòd ki enpòtan, byen ajiste bon kalite mask ede diminye ekspozisyon.

Eta New York nan risk pou ensandi ki "modere" epi yo mete kat danje ensandi DEC a ajou regilyèman sou [sitwèb DEC](#) a. Byenke entèdiksyon pou boule nan tout eta a pa anvigè ankò, yo ta dwe brile bwa sèlman lè li absoliman nesesè. Li entèdi pou boule fatra oswa fèy pandan tout ane a nan Eta New York. Pou plis [enfòmasyon sou sekirite ak prevansyon ensandi](#), ale sou sitwèb FIREWISE DEC New York la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)